

## Donn mache merr halt die Aache zu

Wie merr deletz d widder sesomme gesetze hadde, de Schorsch, de Karl unn isch, doo frächt de Karl: Saacht emol, was mächden eischendlich de Hubert, habbderr widder ebbes vunnem geheerd? Den sieht merr aach nimmi in Flerschem, aach omm Verlobte Daach habb ischen nitt geseh.

De Schorsch hoddem Antwort gewwe: De Hubert hott mich grad vor e paar Daach oogerufe unn hott merr e bissi was verzählt. Aach de Honnes woll der oorufe unn doo hodder mich gefroochd: Ist etwas mit dem Hannes? Da kannst du anrufen wann immer du willst, der ist nie zuhause. Der hott halt vill ze due, de Honnes, habb isch gesaad, awwer wie giehtsen dir, Hubert?

Doo seeder: Nicht gut, ich habe es ja mit den Augen, ich muss unbedingt am Grauen Star operiert werden, nächste Woche geht es los, erst das eine und ein paar Wochen später das andere Auge.

Isch saach: Wie long hosden dess schunn, weilde aach omm Verlobte Daach nitt in Flerschem gewese bist?

De Hubert druff: Weißt du, Georg, ich fahre in den letzten Monaten nicht mehr so weit mit dem Auto, nur hier in der Stadt, wo ich langsam fahren kann. Das Schlimme für mich beim Sehen war und ist noch immer draußen auf den Landstraßen, ein graues Auto auf grauer Straße sehe und erkenne ich erst auf den letzten hundert Metern, das war mir dann doch zu gefährlich. Na, ich hoffe, wenn die beiden Augen gemacht sind, kann ich an Ostern wieder mal nach Flörsheim kommen. Oh, ich muss jetzt Schluss machen, es hat an der Tür geklingelt, grüß mir den Karl und den Hannes - unn donn hodder uffgeleescht. Der hott su e schwach Stimmsche gehabbd, isch glaab, dass er Ängst vor de Operatione hott.

No, saach isch, dess mette Aache werdd doch heit iwverall mit Erfolsch gemacht.

Isch rufen mol oo, seet de Karl, unn due emm saache, er soll koo Ängst hawwe, weil isch unn aach die Paula, mir hawwe dess meddem Graue Star schunn mache losse unn dess iss alles gutgonge. Wissderr, mir drei hawwe joo immer gesaad: Mir redde nitt iwver Kronkheide, mir hawwe se.

Isch habb geniggd. Awwer ess iss schunn doll, was heit aach mett uns Äldere alles gemacht werdd: Aache, Hüfte, Knie, Bondscheiwe unn was merr sunnst alles noch kabutt hawwe werdd reperierd unn meisdens duts gutgieh.

Meisdens, seet de Schorsch, meisdens, awwer nitt immer. Unn wennse was gemacht hawwe, was nitt in Ordnung iss unn de Patient noch Schmerze hott wie vor de Operation, doo saache se: Das wird schon wieder, Sie müssen Geduld haben.

Geduld, seet de Karl, dess iss su e Wort, was merr donn nimmi heern kann. Dess Schlimme iss halt, dass wennde was gemacht kriecht host unns werdd unn werdd nitt besser, donn verliert de Dokter die Geduld mett derr unn hott donn koo Zeit mieh ferr dich unn du musst seh, dassde enn onnern finne dust. Unn finn heit emol enn neie Dokter, vill numme schunn gar koo Patiente mieh oo.

No, saach isch, donn mache merr halt die Aache zu.

Ferr Sterwe? frächt de Schorsch.

Isch habb gegrinst. Joo. Awwer eischendlich ferr bei Rot iwver die Ombel ze gieh.

Eiern Honnes